

## Bavariæ Ducatus.

434

*Regio & unde dicta.*

*Situs.*

*Calitēperies.*

*Solifertilitas.*

*Animalium varietas.*

**B** *Avaria* nunc adeunda est, ab Avaribus Hunnorum reliquiis, qui Noricis pulsus in ea terra confedere, littera adjecta, dicta. Dicitur & *Boiaria* a Boiis Cisalpinæ Galliæ populis, qui hoc loco aliquando sedes habuisse leguntur: Vulgo *Beyeren*. Habet ab Oriente Austriam: ab Occasu Sueviam, qua Merides est Alpes adjacent illi Rheticæ: qua Septentrio Franconia. Longitudo Milliarium Ger. xxix, Latitudo xxv. Aer ut plurimum salubris, ac regio amœna est: in universum satis ferax, non æque tamen Vini ac Frumenti, quamvis & Vinum gignat nonnullis locis, sed agrestius. Generosius Vinum importatur ex Alsatia, Francia & Austria. Magna copia Frumenti invenitur circa Ratisponam & Landshutum. Abundat insuper Sale, arborum Fructibus, Ferro, Pecore, Volucris, Feris, omnibus denique ad victum, cultum & usum vitæ spectantibus. Sues glandibus silvestribusque pomis tanta copia nutrit, ut veluti Hungaria Boves, ita hæc Sues plurimis Europæ regionibus suppeditet. Præter Vrsos item, Apros, & cæteras ejusmodi Feras, centenarios Cervorum alit greges, quos absque consensu Principis venari crimen est. Anno cxcxv, xxii die Augusti, Cervus in Bavaria captus scribitur, tanta corporis vastitate & mole, ut libras 1000 exhibuerit. Sedes hic quondam habuerunt *Narisci*, *Vindelici* & *Norici*. *Nariscos* qui hodie *Nortgow* Aventino, vel *Narcan* Melanctoni, a cæteris Danubius dividit. *Vindelici* ex antiquorum descriptione inter Rhætos & Noricos siti sunt. *Rhætia* duplex est, una latior, quæ Vindelicos Noricosque & Rhætos proprie dictos complectitur, altera strictior. Vindelicos a Rhætis determinat Lycus, si Ptolemæo est fides. Sin Strabonem sequimur, Rhenus & Lacus Brigantinus, quem nos in Helvetiæ descriptione monstravimus. Eisdem a Germanis separat Danubius, ab Italia Alpes. Originem nominis Vindelicorum recte observavit ex Ricardo Marcus Velferus.

*Respicit & late fluvios Vindamque Lycumque*

*Miscētes undas, & nomina litoris, unde*

*Antiquam gentem, populumque urbemque vocarunt*

*Vindelicam.* — Vindelicorum quænam gentes urbesque fuerint ex Plin. & Ptol.

cognosci potest. Ad hos vincendos missi sunt ab Augusto Tiberius Claudius Nero, & Nero Claudius Drusus, ambo Imperatoris Privigni, qui copias Barbarorum exiguis præliis dispersas ac dissipatas aggressi, facile vicerunt inque suam potestatem redegerunt. Vide Paterculum lib. ii: Dionem lib. lvi & Horat. lib. iv Odar. *Norici* initium capiunt a flumine Oeno: vergunt ad Orientem & Austrum, ad Hungariam & Italiam usque. Horum magna in bello vis fuit, utpote qui bello adfuerint limitaneos Romanos semper oppugnarent. Indicio est *Ensis Noricus* Horatio celebratus. Etiam inscriptio quæ cis Danubium inventa ita habet. DIS MANIBUS ET MEMORIÆ LEGIONUM. ET MEMORIÆ MISERRIMORUM, VINDELICIS PRÆFECTIS MO-CENTIANIS ET VICTORI ET AVRELIO FILIIS VINDELICIS SURINUS INFELIX PATER F. C.

Bavaria